



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXXII. Markgraf Friedrich d. J. verträgt einen Streit zwischen Friedrich von Stegelitz und Peter von Holtzendorf über Besitzungen zu Flieth, am 17. April 1440.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

erven vnde nakomelingen in guden truwen allen vnser mannen vnde steden in vnser gantzen lande to Stargarde, de nu synt vnde tokomen mögen, by vnser förstlyken eren to ewygen tyden stede vnde vaft to holdende. Tüge desser dynk synt erlyke manne her Hinrik Cran, vnse Provest to Vredeland, Henning Warborch, vze kökemester, lange Hinrik Osterwolt, vze truwen ratgeven, Berent Beré, Henning Lüder, Michel Holtörp, Achim van Dewesse, ratmanne to Brandenborch, Lemke Karstede, Hans Wydemann, Clawes Tzintzow, Kurt vamme Netzeke, ratmanne to Vredeland, vnde mennlyken vnse anderen redere, vnse manne vnde stede in vnser lande to Stargarde. To gröter bekantnisse vnde to tüghe aller stücke desses breues hebbe wy vörgeuömede vörste vnse ingefegel myt wyschop vnde guden willen heten hengen an dessen bref, gegeven vnde geschreven to Vredelande, na der bord Christi vnser heren dufend jar, verhuundert jar, dar na in deme negen vnde drüttigsten jar, in fünfte Mertens dage des hilgen Bisschopes.

Aus Boll's Gesch. des Landes Stargard II, 418.

LXXII. Markgraf Friedrich d. J. verträgt einen Streit zwischen Friedrich von Stegelitz und Peter von Holzendorf über Besitzungen zu Flieth, am 17. April 1440.

Wir fridrich der Junge, von gottes gnaden Marggraue czu Brandenburg, Bekennen —, das vor vns komen sein vnser lieben getruwen fridrich von Stegelicz vnd peter von holczendorff, die den in zwitreiten waren von ellicher guter wegen Im dorffe zcum flyte, derselben czwitracht vnd schelung sie von beden teilen zcu voller macht by vns vnd vnsern Retten bliben syn, sy gutlichen doruff czu entscheiden vnd zu entrichten. Also haben wir mit vnserm Rat dor Inn erkannt vnd ufgesprochen, Erkennen vnd sprechen ufz mit craft dieses briues, In aller massen, als hiernach geschriben steit. Czum Ersten, alle peter von holczendorff dieselben guter, Jerlichen czinse vnd Rente vor Taufend margk finckenaugen in gewere kregen hat, dieselben guter, Jerlichen czinse vnd rente sol der genante peter vnd sein erben vor die obgeschriben Taufend margk czu rechtem widerkauff von gebung dießes briues bisz uff sand merteins tag vord über drey gancze Jar Inne haben vnd so lang czu widerkauff besitzen vnd gebrochen, vngehindert vor den von Stegelicz vnd vor allen iren Erben, on argk vnd one alles geuerde. Wenn dann dy dry Jar vergangen sind, lisset das denn dem gnanten fridriche oder sinen Erben oder henninge von Stegelicz, visianzes sone, sinem vettern, czu getruwer hant eben vnd bequeme, so sein sie czu allen Jaren der losung der benanten guter gancz mechtig, vnd fullen Im dornach die losung in den Osterheiligen tagen czufagen vnd denn dornach vff sand merteins tag dem gnanten peter dy obingeschriben Taufend margk vinckenaugen widergeben vnd bezalen vnd Im die Rente von demselben sand merteins tag uffnehmen lassen: vnd wenn das gescheen ist, So sol der vorgnante peter vnd sine erben den ergnanten von Stegelicz vnd iren erben der gnanten von stund an wider abtreten vnd in die getruwlich wider einantworten, one argk vnd on alles geuerde. Vnd doruff haben wir dem Ergnanten peter von holczendorff dieselben guter, Jerlicher czinse vnd rente czu einem rechten widerkauf gelichen, wir verliehen in die auch mit macht dieses briues, der czugenysen vnd czugebrauchen, alle obgeschriben

itet. Hie by vnd uber sind gewest Die wolgebornen wirdigen, gestrengen vnd erbern vnser Rete vnd lieben getruwen Albrecht Graue von lindow, her czu Reppin, Er nickel tyrbach, meister sand Johans ordens, czacharias hafe, Ritter, werner von der Schulnburg, hanns von Arnym vnd heine pful. Czu orkund mit vnserm anhangenden Inszigel verzigelt vnd Geben czu prenczlaw, am Sontag Jubilate, Anno domini Millefimo Quadingentesimo XL^o.

Nach dem Churm. Lehnscopialbuche XVIII, 27.

LXXIII. Markgraf Friedrich d. J. verleiht an Hans von Arnim, Hauptmann im Uferlande, die durch Absterben Bertram's von Stegelitz apert gewordenen Lehnbesitzungen im Dorfe Klinckow, am 20. April 1440.

Wir fridrich der Junge, von gots gnaden Marggraue zu branddemborg etc., Bekennen offenlich —, Das wir nach rate vnser Rete, durch williger getruwer dinsten willen, die vnserm lieben heren vnd vater, vnserm lieben Brudere Marggrauen Johannse vnd vns vnser rat vnd lieber getruwer hans von Arnym, vnser hobtmann Im vkerlande, oft vnd dicke gethan had vnd hinfurd In kunstigen Zeiten wol thun sal vnd mag; Darumb von befundern gnaden habin wir dem gnanten Hannse von Arnym dieselbe hirnachgeschriwen gutere, Jerlichen zins vnd rente, alle die von Bertram von Stegeliez seligen todeshalben an vns vnd vnser hereschafft gefallen vnd kommen sein, zu einem rechten manlehen gnediglichen verliehen, Mit namen In dem dorffe klinckow funf wispel vnd achczehen scheffel korns. Item darfelbs Zwelff Marg sickenougen mit gerichte vnd dinsten, Jerlicher Rente, fur dieselben funf wispel vnd Achczehen scheffel korns vnd auch vor die Zwelff marck sickenougen vns der obgnante Hanns von Arnym sunnfezig schog an Landfwerung geben vnd vornuget had etc. — vnd Geben Im des zu einem Inwieser vnserm rad vnd lieben getruwen Heinen pful, Zu diessen gezeiten Amptman Zu odersperg. Zu orkunde mit vnserm anhangenden Ingesiegel versiegelt vnd gebin Zu Prenczlow, Am mittwoch nach dem Sontage, als man In der heilgin kirchen singet Jubilate, Anno domini Millefimo quadingentesimo quadragesimo.

Nach dem Churm. Lehnscopialbuche XVII, 15.

LXXIV. Markgraf Friedrich d. J. verschreibt dem Heinrich von dem Berge die Anwartschaft auf die einer Wittwe zum Leibgedinge verliehene Feldmark Mittenwalde, am 9. August 1440.

Wir friderich der Junge, von gots gnaden marggraff zu Branddemborg etc., Bekennen offenlich —, das wir vnserm lieben getruwen heinriche von dem berge die dorfflete mittenwalde mit allen iren ackern, wesen, weiden, holczungen, gresungen, zugehorungen vnd gerechtigkeiten, So denn die Claws hegers, vnser borgers zu premslow, Eliche hufsfrowe, von Czabel mittenwalde, irem vorigen mann seligen, zu leipgedinge erworben hatt vnd die